


DE LÆSIONE APONEVROSEON.

T H E S E S
ANATOMICO-CHIRURGICÆ,

Quas, DEO JUVANTE, & Præsidi M. FRANCISCO-
GUILLELMO LE VACHER, Artium & Chirur-
giæ Magistro, Regiæque Chirurgorum Academiæ Socio,
tueri conabitur GUILLELMUS-RAYMUNDUS DESNOUES,
Parisiinus, in almâ Universitate Parisiensi Artium Liberalium
Magister, Primariorum tum olim Nosocomii Parisiensis,
tum nuperrimè Castrensiurum Chirurgorum Coadjutor.

P A R I S I I S,
IN REGIIS CHIRURGORUM SCHOLIS,
Die 17^a Martis, à sesqui-secundâ post meridiem ad septimam.
Anno R. S. H. 1764.

P R O A C T U P U B L I C O
E T
M A G I S T E R I I L A U R E A.



Typis P. A. L. L E P R I E U R, Regii Chirurg. Collegii
Typographi.

M. DCC. LXIV.

B

DE LÆSIONE APONEVROSION.

T H E S E

ANATOMICO-CHIRURGICÆ.

Guillelmo Le Vacher, Actum & Chirurgie Magistro, Regio Chirurgorum Academiæ Sociæ, cuius conditor Guillelmus-Raymundus Desnoues, Parisius, in eadem Universitate Parisiensi Alumnus Libralis, Primætorum cum eodem Nosocomii Parisiensis, cum superius Cæsarem Chirurgorum Coadiutor.

P A R I S I I S,

IN REGIIS CHIRURGICORUM SCHOLIS;

Die 27. Martii, à festini-fecunda post meridiem et festinam.
anno R. S. H. 1784.

PRO ACTU PUBLICO

ET


MAGISTERII LAUREÆ.



Typis A. L. F. Le Blanc, Regii Chirurg. Collegii
Typographe.

M. DCC. LXXIV.

B



D. O. M.

DE LÆSIONE APONEVROSEON.

THESES

ANATOMICO - CHIRURGICÆ.

SUI sunt singulis corporis humani partibus affectus, sui morbi, peculiariaque symptomata; nec omnibus omnia remedia competunt. Non eadem sunt vulnera capitis atque thoracis; alia abdominis, alia artuum esse norunt, at diversæ etiam partis uniûs cuiusque continentis aut contentæ læsiones agnoscendæ sunt. Frustrâ ille & periculose medicaretur qui comprehensos unico titulo morbos, unâ eademque medelâ tentaret, nec parùm Arti Chirurgicæ officisse videntur Autores, qui morbos toto coelo dissimiles uno cognomine describunt curantque. Tales sunt imprimis illæ quas hic tractandas suscipimus, Aponevroseon affectiones, quas ipsi

A

meras inter partium nervosarum læsiones retulerunt. Et si enim in pluribus conveniunt, nervorum Aponevroseonque affectus externi, in pluribus tamen discrepant atque dissentiunt. Quam ob rationem plus nervi dicerentur quam musculosi? Cum tendines Aponevrosesque fibris nerveis & carneis æquè instruantur; cum partes illæ suo textu, suâ vitâ, suâ irritabilitate & sensibilitate gaudeant, ac cæteræ quælibet omnino discoloræ & dissidentaneæ; cum aliundè constet eadem prorsus supervenire accidentia corporis œconomix, quando ligamenta patiuntur, quorum supposita cum nervis identitas merito procul abjicitur.

LÆSIONES variæ esse debent ratione structuræ partium maximè, nec eadem est partium Aponevroticarum fabrica, atque ligamentorum, nervorum, cutis, membranarum atque periostei &c. Musculi nomen ab antiquis inditum illis partibus quæ motui spontaneo inserviunt, à muris excoiati effigie depromptum est, indèque hujus organi terminationes caput caudæque musculi nuncupabantur. Extrema autem illa prout in linæi, teretisve chordæ modum expanderentur, tum propter albedinem sensibilitatemque nerveam, & firmiorem textum, tensionemque majis apparentem, Aponevroses aut tendines audiverunt. Verum non omnes omnino musculi in ejusmodi expansiones abeunt; plurimæ partes Aponevrosis nomine indigitantur, quæ nequè caput, neque cauda sunt musculi ullius, sed quia partes illæ continuæ sunt musculis, quia ubi læduntur, iisdem comitantur symptomatis, eadem fata subeunt, eademque medelâ sanantur, quia in his perfecta quantum mens humana valet organorum similitudinem attingere, similitudo advertitur, jurè meritòque Aponevroticæ judicantur.

CONSTANT illæ quotquot sunt ex fibris musculis carneis nerveisque, intertextis vasis sanguineis, lymphaticis, ac serosis. Neque est in toto corpore pars his firmior strictiorque, aut magis tensa & ad tractus opportuna, varios & multiplices locos occupant, eoque plus minusve corporum externorum insultibus obijciuntur, quò pluribus aut paucioribus præsiidiis obteguntur atque muniuntur. Quæ capitis verticem & latera tegunt, aut artus superiores & inferiores, aut latam posticorum lumborum regionem obvolvunt, eæ longe facilius alienis viribus impetuntur, multò tutiores latent quæ cæteris

5

carnibus reconduntur ac proteguntur. Cæterum Aponevroses insertionis puncta musculis suppeditant, trahuntque partes potentiùs tendinibus, ut potè quæ *curtioribus* musculis aptiores sunt, & latiori margine semper inhaerent ossibus, cæterisque diversis adminiculis suis, musculares fibras coërcent aliæ, & ideo organorum istorum actionem & vires adaugent.

LÆDUNTUR Aponevroses instrumentis pungentibus, secantibus scindentibus, urentibus, contundentibus, rodentibus. Indè prima læsionum Aponevroticarum classis, in puncturas, sectiones, scissiones, usiones, contusiones, rosiones distinguenda. Altera species ab accidentibus desumitur & concomitantibus symptomatis læsionem. Hinc Aponevrotica vulnera dividuntur in simplicia, composita & complicata. Solutio continui simplex est Aponevrosidis divisio nullo alio stipata morbo; composita divisionem multiplicem ponit, aut cum alio malo componitur, sed eadem medelâ profligando; complicata, aliâ læsione stipatur aliam exigente medendi rationem, tertia species à figura læsionis est, & magna parva ve dicitur, longitudinalis aut transversalis, vel partes scinduntur rectâ & æquè dividuntur, vel lacerantur ac dilaniantur, indèque quarta species exoritur in læsionem æquam aut laniatam, in periculosam & minùs exitialem.

RARò admodùm accidit magna solutio simplex in Aponevroticis, quippè quod, ut dividantur, instrumentum lædens integumenta ante solvat oportet, id est, vulnus saltem in cutè faciat. At non ita infrequens est parva læsio ex parte rudiorum in Arte Chirurgicâ tironum, ubi male ductâ lancæolâ sanguinem è brachio detrahunt. Vulnus enim cutaneum cum morbus minimè censendum sit, id ubi accidit, simplex est Aponevroseos punctio, aut laceratio; in reliquis partium Aponevroticarum læsio componitur aut complicatur assiduè. Ingentiores verò in illis partibus strages edunt gladii decertantium in duellis, aut acinaces depræliantis equitatùs inter hostiles exercitus, globi sclopetarii ac præsertim tormentarii cum obliquè partes tangunt commoventque, tunc enim vulnera adsunt periculosissima, & contusiones in lethalem gangrænâ citò citius desinentes, quemadmodùm militantibus accidit quos licet globo fulmineo tacti fuerint, ab aëre compresso & contundente interfectos esse huc usquè, falsò putatum est.

85

Cùm pleraque instrumenta quibus partes Aponevroticæ læduntur, oculis pateant, ipsorumque vires sat facile mensurari possint, vulnorum imprimis, contusionumque diagnosi minime difficilis est, & ardua minime. Illud autem dilucidius affectionem declarat, quod sævissima nec parùm terrifica symptomata consequuntur. Statim atque enim vel levissimè pungitur membrana quælibet Aponevrotica, dolor oritur obtusus quandoque primùm, aliàs vividissimus, qui ex affectâ parte ad alias brevissimo temporis momento permeat transque fertur, tumores elevantur cum sensu caloris intolerabilis; sequitur stupor in vicinis, nervosumque genus in toto corpore conturbatur. undè partes in consensum tractas, singulares pro genio suo motus, exercere videas admirabundus. Hinc febris violenta sæpè, deliria, convulsiones, spasmi, rubor dolorque assiduò crescunt, & gangræna partis & mors certò comminantur. Ista porò phænomena non explicanda esse censemus quia partes Aponevroticæ nerveæ sunt, non enim majis componuntur ex nervis quàm cutis v. g. & aliæ partes corporis, sed quia ibi nervi quam maximè tenduntur; ex illâ namque tensione majori necessario sequitur partes tantò difficilius externæ tractioni cedere, vel & illi quæ ab ipsis partibus divisæ exoriri consuevit. Notitia locorum in quibus Aponevrofes, tendines, ligamenta reperiuntur diagnosim adjuvat, sic & cognitio causarum in illas partes agentium, cum vehemens motus longè majorem effectum habere debeat, quam tardior aut debilior.

PROGNOSIS autem læsionum partium Aponevroticarum ab accidentibus maximè repetenda. *Nulla est vel lævissima punctura, quæ plus minùsve gravibus symptomatis non stipetur, undè patet nullum esse in illis partibus vulnus, quod periculo suo vacet.* Nisi enim præsentibus indicationibus illicò fiat satis, pessima continuò majis ac majis accidentia debacchantur, quæ vulnerato mortali brevioribus horis fata cient. Non attamen omnes Aponevroseon affectiones eadem & paria minantur infortunia: non obstantibus enim paribus accidentibus, mediocri facilius, modò præstò sit Chirurgus, medetur, quàm magnæ, adeoque minus est à minori læsione periculum. Scissuræ etiam & sectiones æquæ, nec dilaniantes, remediis citò & ritè applicatis cedunt, ideòque nec tam lethales aut exitiosæ censendæ sunt. Enormes verò harumce partium contusiones aut

lacerationes ; quales è tonantibus belligerantium tormentis eructantur, immedicabili gangrænâ siderantur ut plurimum & fatales frequentissimè fortiuntur. exitus cum propter ipsiusmet partis affectum, tum propter infandas, quas sub cute in musculis, & in ossibus creare amant strages adeò metuenda fulmina. Chirurgus igitur qui rectum de talibus affectibus iudicium ferre desiderat, ille symptomata eorum atque accidentia, instrumenta etiam & causarum impetum, effectus tandem quoscumque sensibiles quàm attentissimè considerare atque perponderare debet religiosissimè.

APONEUROSEON læsiones curandi rationem exhibent variam, pro naturâ & situ læsionis, pro gravitate & intensitate symptomatum. In genere non parùm juvant sanguinis missiones plùs minùs-ve iteratæ, pro vulnerati viribus atque temperaturâ, potus aquosus & diluens, diætâ austera, quandòque etiam narcotica congruunt. Pars læsa interim medicamentis obregitur aliquandò relaxantibus, aliquandò resolventibus &c. Pro circumstantiarum varietate, verùm sæpè sæpiùs adhibitis suprà dictis auxiliis ingravescent symptomata, multiplicantur accidentia, partes ad extremam tensionem ductæ nisi resistere non valentes tonum amittunt, liquores defectu percussione stagnantes vergunt ad putredinem, pars gangrænâ corripitur, ultima salus tunc remanet in ferro aut igne quæ quidem remedia etsi crudelia habeantur, accidentia tollunt dum modò juxtà leges artis admoveantur.



